

永樂大典卷之一萬九百九十八 六姥

府

知府八

宋歐陽公集辭免知開封府劄子嘉祐三年六月臣伏聞內閣諸勅各一道付開門除臣無龍圖閣學士權知開封府臣以庸拙久塵侍從初無勞効以伸補報日夕俯省常愧心顏今者曲蒙聖慈悞加選用豈可苟避繁劇輒希解免蓋臣有不得已者須至繕陳臣自前歲已來累有奏列一作伏乞一外任差違蓋以臣久患目疾年齒漸衰昏暗愈甚又自今年春末忽得風眩昨於韓絳入學士院勅設日衆坐之中遽然昏踣自後往往發動緣臣所修唐書已見次第所以盤桓欲俟書成使乞補外豈期聖遣委以治煩臣素以文辭專學治民臨政既非所長加以早衰多病精力不強竊慮陳官敗事上誤聖知兼所修唐書不過三五月可以畢手置局多年官吏拘留靡耗供給今已垂成若別差人轉成稽滯只委臣了畢則恐無暇及之欲望聖慈矜臣衰病才非所長欲乞別選材能許臣且仍舊職候唐書成日乞一外任差違以養衰殘取進止鄭鮮郎漢集知開封府劄子

臣此者進對。伏蒙陛下稱臣。稱尹京府。為治甚好。百姓便之。臣內惟承乏。纔四十餘日。實無善狀。可副陛下褒諭之意。故不敢祇拜以謝。又以隆暑日。奸不敢久對。是以私懷鬱塞。恐悚而不敢。臣才能朽下。安能治劇。夙夜勉。強。粗免罪戾。若曰百姓便之。萬無此理。且所謂便之者。蓋知其閭里之疾苦。除弊興利。使元元之衆去愁歎而就安佚。庶乎可也。今臣於此未有毫髮。則百姓何便之有。然不識陛下從何而得之。陛下聰明好問。誅逮訪於下。多言者或以此譽臣。此妄譽也。當其進言時。陛下何不使條臣新行便民之事。彼必窮而無對。設使有對。且實則陛下亦當深察之。然後以為信。今臣無是。而陛下遽信之。如有以臣不肯而毀之者。陛下亦必聽之矣。何則。善惡之未。不考其實。既容妄譽。必亦容妄毀。此臣不敢喜而有懼也。昔者列子居鄭。客有言之於鄭子陽。子陽遽之。來列子再拜而辭曰。君非自知我。也以人之言而道我。至其罪我也。亦必以人言。則吾所以不受也。臣雖至愚。安知陛下不以妄毀而黜臣哉。故帝王聽納之際。不可不察。不察其實。則天聽可得而欺。若臣衆之以逞其欲。於是以白為黑。以是為非。附己者進。背己者斥。分布朋類。徧隨其失。使朝廷之上。惟聞黨人之論。而不知有天下公議。善乎孟子之言。左右皆曰賢。未可也。諸大夫皆曰

賢。未可也。國人皆曰賢。然後察之。見賢焉。然後用之。左右皆曰不可。勿聽。諸大夫皆曰不可。勿聽。國人皆曰不可。然後察之。見不可。然後去之。如此則當進者無苟得之幸。當退者無私歎之恨。進退各當其分。又孰有致疑於其間者哉。伏願陛下高視遠照。毋牽私言。使天下曉然知毀譽之不能亂政。則非獨臣之願。寔天下之願。伏候進止。李跨龍先生集乞遂寧府遇闕守臣以監司兼權劄子。臣竊惟遂寧乃陛下龍潛始封。遠民厚幸。蒙被膏澤。數錫府號。選擇卿士。責以職名。優寵長民之寄。俾其地侔諸藩之重。可謂美矣。然時闕守臣。即以通判司錄曹官權攝。王人使命之至。頒朔布政之始。事體益輕。臣欲乞今後遇守臣闕。許依梓州瀘州例差監司時暫兼權。庶幾國體稍重。以副陞賜府號之意。沈文通西溪集乞罷府事劄子第一。臣本府今月七日准勅。斷左軍巡院官吏勅傳永昌公事已施行訖。臣躬被聖選。攝行尹事。而明不能以辨訟。威不足以制吏。使中都之獄。有無辜之訴。仰史以聞。奉質明備。聖君仁厚。悉從寬貸。然此豈特小吏薄責而已。其大咎乃在臣也。方朝廷總覈名實以革事弊。群臣之政。願臣敢獨苟免。以虧大治。臣前此已具面奏。伏乞即賜戶免。以全至公。以舒人言。臣無任傍徨顚越之至。臣見待罪在府。未敢入赴朝參。未敢便行交

割本職公事。聽候指揮次。乞罷府事。劄子第二。臣蒙恩待罪京府。今已踰歲。臣本無狀。自知甚明。其初被命。竊念聖主特達之過。乃不自量。冀竭其愚。幸有所立。以謝萬分。故自居職以來。夙夜惴惴。不敢自暇。而驚朽之質。果不可獲。凡臣之所能。既以止矣。而臣之所治。未有間也。雖聖主寬大之恩。務欲盡臣下之技。不急譴誅。即優假臣。以日月之功。而臣之設施。亦不可獲。朝廷士大夫之議。亦不肯容臣。而且為聖朝之累矣。伏望陛下深計。京邑之重。不可以曠不治。審察臣之不肖。終不可責以有成。指揮材吏。使以代臣。臣或尚得竊食苟容。則丐一開州。猶敢為陛下奉行法令。撫養百姓。少答天地之施。臣不勝幸甚。取進止。第三。臣近嘗具奏。以臣到府踰年。職事無狀。乞從罷免。一開州而待命二句。未蒙賜可。傍得憂畏。不知所措。臣聞君試臣以職。而致其實。弗効者黜。臣事君以身。而盡其力。不能者退。此朝廷治臣常必由之。而不可因循苟簡者也。伏念臣封爵淺薄。曾不敢望中人。而致身侍從。而已非所據。又誤當推選。使治京邑。視事以來。既一歲矣。都城之內。姦薄之俗。未嘗革也。穿窬之盜。未嘗絕也。因周之弊。未嘗虛也。此三者。乃京邑之先務。而臣在職。不為不愛。獨無一可紀者。其試用弗効。亦已明甚。然則雖欲不合引劾以退。寧不畏人之言哉。

方陛下奮乾剛厲威斷躬親庶政總覈名實以臨群臣而京邑四方之則治遠者必自近始可使非其人而付之以輕天下之望乎臣願陛下深察兩留意即賜罷免臣不勝幸甚況今在廷之臣皆一時材能之選莫不過絕於臣舉以代臣無不可者臣如蒙天之幸未就誅棄尚獲備群臣之後者猶冀得一小州畢其餘力以謝陛下臣不勝悃悃祈俟之至取進止蘇魏公集辭免知河陽府劄子臣今月二十一日准閤門告報奉勅差臣知河陽軍府事臣稟賦拙艱自取罪戾聖恩寬宥優委要藩彈竭愚駑無以報塞伏念臣先臣翰林侍讀學士某慶曆中曾知河陽在任亡幾臣今被命復忝臨州得繼世官雖為榮幸近念往昔是不遘女欲望聖慈持許別換近南一州所冀少安愚衷臣惟以軀命上蒼生成無任懇祈迫切之至取進止汪玉山集乞差文臣知興元府劄子臣契勘興元府比年以來多以大將知府往往文法闊畧官吏自恣一府四縣田產十分之六歸於大將之家又有倚託其名以侵漁細民避免賦役者每半總領所與本府和糴軍糧一色不下三十餘萬石止取辦於編戶科歛偏重民益困敝伏望聖慈特差有名望材畧文臣知興元府其都統制仍於本府駐劄庶幾兵民各得其所於邦本邊防長久之計實為利便取進止張守訥陵集

解免知平江府劄子臣比緣衰病。旬易外祠。今準尚書省劄子奉聖旨。差知平江府。仰惟睿恩隆寬。未忍捐棄。非臣糜隴所能報塞。固宜開命引途。不獲辭避。然臣迫於私義。不忍復冒宸臆。竊念臣久領郡符。初無善狀。况緣衰病。志力俱疲。而吳門要藩。密通行闕。素號煩劇。固非養病卧治之地。不惟上誤寄委。亦恐必致顛隤。伏望聖裁。檢會前奏。改授在外官觀一次。以安愚分。臣無任懇祈迫切之至。取進止。解免知建康府劄子臣今月八日準尚書省劄子奉聖旨。除臣江南東路安撫制置大使。兼知建康府者。聞命震怒。不知所為。伏念臣早以庸虛。備更煩使。昨緣破病。得請就閑。仰戴聖明。終始保全之賜。惟奉香人。少答恩私。茲者人蒙凋喪。曲盡簡記。付以方面。兵民之重。益思努力。自竭萬分。於中興之旦。而臣齒髮益衰。筋力難強。雖恃發育。尚比偷生。而服藥命鑒。略無虛月。蟬蟻餘命。固不足多惜。大懼上誤寄委。則臣素肉不細。伏望睿恩。追復成命。改授能員。以安愚分。取進止。解免第二劄子臣近蒙聖恩。除知建康府。尋具解免以聞。今月二十六日準詔書。所請宜不允者。竊惟建康距臣鄉里不遠。數舍之地。使且優。况出宸慈。記情督撫之舊。固宜竭力上副使令。伏念臣宿疾累年。入蒙睿察。使尋差境。發作無時。仰惟留論之嚴。宿兵之重。非養疾卧治。

之所。若貪寵利而忘在侍之戒。不量力而犯不廷之譏。豈不上負聖明。下貽物議。是以不避煩黜。再瀝悃誠。敢望天地覆育之祐。奈其老矣無用。非出矯飾。俯從所請。依舊官祠。使得遵從。道以盡餘年。或他日痼疾稍安。尚期縻墮圖報。取進止。解先知紹興府劄子。臣伏覩進奏院報狀。今月四日奉聖旨。除知紹興府者。仰沐記憐。寵移近輔。感戴德九殞莫酬。伏念臣衰疾纏綿。春夏增劇。昨於五月內嘗具奏乞一外祠。猊以虜犯中原。警報遽至。義當効死。不獲敢言。遽力疾治事。措置并候。遣發間探。方頃小定。即中前請。不謂踈遠。誤簡淵衷。然而形骸支離。神志凋瘵。股肱之郡。益非所堪。今豫章上流。已有新帥。還量衰謝。引去無嫌。伏望睿慈。檢會前奏。除一在外官觀差遣。少休衰薨。臣纔使被受省劄。即交割職事。依限起發前去。聽候指揮外。取進止。再辭免劄子。臣今月十七日準尚書省劄子。奉聖旨。除知紹興府。不候投告。限三日起發前去之任。除已遵依施行外。伏念臣近緣染病。嘗旬投闕。未奉俞音。遂聞警報。力疾從事。晷刻至令。忽蒙誤恩。移真近輔。寔為優使。使臣自擇。何以加之。固欲痛自激昂。少圖報稱。而病體益劣。神志久衰。重惟股肱之郡。大非養病卧治之所。若乃貪冒榮寵。緘默不言。必致上誤使令。取譏清議。此獲暫解上流之寄。固無

避事之嫌。已嘗於今月十三日具奏乞一在外官觀。伏望睿慈矜憐。舊之舊檢會前奏早賜施行。臣已於二十日起發。遙運至浙東以來聽候指揮。取進止。貼黃臣有田僅三百畝在會稽縣。竊慮於近制亦有妨嫌。併乞睿照。劉元城盡言藁論蔡確不合陳乞。穎昌府右臣伏聞知鄧州蔡確。上章陳乞。穎昌府以便私計。雖未知可否之報。而縉紳之議率皆不平。敢具僉言。上達天聽。按確姦邪陰險。盜據宰席。不能正身率下。宣明教化。而縱其弟碩。招權納賄。賊污狼藉。有司譴罪。當以大辟。陛下特加寬貸。止送韶州編管。確本同居。衆謂預聞其事。朝廷既不窮治。惟以失教責之。削其職名。出臨編郡。僅能周歲。易守南陽。當時議者已謂幸復太速。碩至貶所。亦止踰年。確遽上言。乞令內徙。陛下屈天下之法。移置黃州。曾不旋踵。自請近鎮。臣竊謂確所以敢萌意外之望。蓋肆無厭之求者。蓋見近日政事多尚姑息。是以先用其弟。量移之請。嘗試朝廷。既不能沮止姦謀。遽可其奏。確知執政莫不畏已。遂敢陵蔑公議。輕侮朝綱。雖屢蒙非常之恩。猶不能滿確之意。復託親老願移大藩。蓋有以啓之也。臣恐小人僥倖之心。勢猶未已。往往再乞放碩。逐便。或自求京師官觀。差遣執轡為名。然則陛下又將許之乎。確之明黨太半在朝。夙夕引領以俟便用。若使漸得親近。

廣為路岐。異日盜推亂政。無不由此而始。况輔弼大臣。既以罪黜。雖領帥節。未復職名。考之典故。猶足詢籍。豈有不因詔除。輒求自使。此風寔表。則陛下賞慶刑威之柄。遂為虛名。國家綱紀。必至墮紊。不可不慎也。伏望聖慈。明敕三省。報罷確奏。以正國體。洪文安公小隱集。辭免知建康府劄子。六月七日。臣今月六日。準尚書省劄子。五月二十八日。三省同奉聖旨。洪某可差知建康府。休交割職事。了日。赴行在奏事者。臣聞命震驚。同知所措。伏念臣退然一个。無所取材。去年秋蒙恩入覲。恭奉玉音。以當奎水災之故。面賜臨遣。臣忝職暮年。荒政粗舉。惟是驚鈍。懼不足以當上派之寄。故冬嘗旬外祠。天聽高遠。螻蟻之微。不能上達。春初祇拜奎章。累數十言。華蒙之察。溢于翰墨。臣感戴異恩。常願糜捐圖報。萬一聞者治圻。躬親督辦。以至遮浪竹木。罔不周備。今幸入夏以來。屢經大雨。並無損壞。去處方俟夏末。即申前請。敢圖天慈。簡記。摧帥陪都。竊惟建業重地。內司管鑰。外護營屯。非有文武威風者。不在茲選。而臣緣力薄材。豈能勝此劇任。欲望聖慈。收還成命。改除臣一在外官。觀差遠。庶安愚分。以稱僉言。臣止候奉使監察御史陳舉善。覈實圻岸了畢。交割職事。與以次官。即便起發。前路聽候指揮外。所有恩命。不敢祇受。臣冒犯天威。無任惶懼。激切候命之

至。取進止。辭免知平江府劄子。今月十五日。准尚書省劄子。三省同奏聖旨。差臣知平江府者。臣聞命震惶。罔知所措。伏念臣受村譴薄。臨事違誤。禁路三年。偶逃於清議。叢祠數月。實愧於素餐。方從丘壑之安。敢意雲霄之幸。惟吳門之輔鎮。通蔽府之行覲。地望最雄。餘言所屬。必得老成之彥。庸資師帥之功。豈伊予人。可稱高選。伏望聖慈俯昭恩憫。改畀能臣。得少休於故肆。庶不累於親權。臣無任震懼激切俟命之至。謹錄奏聞。伏候勅旨。李壁馬湖。集知遂寧府奏劄。朝議大夫知遂寧軍府事李某劄子。照會某所領遂寧府在東州控扼水陸。號為要衝。惟是武備單弱。全無城郭之限。近者移寇竊發。行而前如入無人之境。直達官府。焚毀漕解。劫掠倉庫。州縣儲積。為之一空。甲仗一庫盡為賊有。取不盡者焚之而去。至於居民。悉皆蕩盡。十無二三。四隅一望皆為丘墟。瓦礫之場。某居間歲久。誤蒙公朝起廢。畀以牧守之任。薄命所招。臨當之官。遭此變故。今所當先者。旁未還定之政。賑焚室。願眾皆營生。小民一家之產。無三四金。非官司借與之錢。無由自能起蓋。而本府庫帑。既被劫掠。無從覓餘。目前所入。隨收隨支。止應一時。不容寬展。如此乎。委實無力可辦。某雖遂急措置。量與郡貨。終是氣力微薄。何緣可使復舊。日夜念此。不遑安處。欲望特與教。

奏行下四川諸大司。併本路帥臣監司。於官錢內通融。又降約及十餘萬。給付本府專一收管。以給被火失業之家。及修城浚濠。打造器甲之用。庶幾即日完備。嚴飭成都。不勝一方之幸。前已別下四川宣撫司。詳所中與勘詳。酌支撥施行外。今到付送軍府照會施行。准此。此外又有當中控者。本府兵籍。若無他違法自破。及蒐練教閱以時。豈不可恃。切嘗考究平日支本支糧至者。幾二十人。而屯者。臨變乃無一人。能發隻矢御賊者。豈惟失於申徹。蓋每急為監司及屬官諸廳自破之。多撥之條制。監司各破人兵自有成數。又止廟軍禁軍不在差使之列。又往往一司而有日破廂禁軍四百餘人者。學院子一邑至占三十餘人。其他虛日塞生人兵吏。咸省外。餘盡發下逐日教習。務令武藝精熟。緩急可以倚仗。又當補填闕額。禁軍並令數足。哀同教閱。庶幾武備稍飭。一方有恃。惟是欲乞自朝廷更切中嚴條制。行下逐路監司。於當破人數外。不得擅有截留。違者許所屬追究。所冀盡革前弊。州府之備。稍得嚴固。予以潛消姦宄。所補不細。伏乞指揮。右副下成都潼州府。差判州路。各撫持運提刑提舉司。四川茶馬司。總領所。各從所乞事。理施行外。今到付送軍府照會施行。准此。嘉定十二年八月二十七日。朱晦庵大全集與軍執辭免知靜江府劄子。熹

輒有危態。仰扣公朝。嘉伏準省。劄恭奉聖旨。除知靜江府事。區區感激。蓋不勝言。顧以罪戾之餘。疾病沉痾。不堪任使。而內自僇辱。迂昧悖謬。又非邊帥之才。實不敢冒當重寄。以累若相知人之明。輒具公狀。中省詳免。欲望其官。持賜省覽。曲為開陳。許其避避。以安愚念。嘉冒清威辱。不勝惶恐。戰栗之至。與宰執劄子。嘉輒有誠懇。仰扣公朝。嘉昨具狀。辭免知靜江府恩命。今準省劄。備奉聖旨。未賜允俞。聞命憂懼。莫知所措。然區區愚慮。猶有未能已者。已再具狀。申尚書省。伏乞丞樞少保國公。參政樞公。詳賜省覽。曲為開陳。收回誤恩。復畀祠祿。千萬幸甚。千萬幸甚。再與宰執辭免知靜江府。小貼子。愚慮終恐疎拙。不足以當一面之寄。或有緩急。必誤使令。欲望知院樞公。樞密同知樞公。深加照察。曲為開陳。收回誤恩。以安愚念。袁起岩東塘集。辭免知隆興府劄子。祇膺舜詔。尚闕堯命。更疏易地之恩。敢復觀天之態。臣恭承睿訓。不得再有辭免。實以揣分僥踰。懷不自已。洎至重清淵聽。臣本凡庸。蒙陛下拔之禁塗。真之枋府。聖恩與天同大。而臣力弗勝於心。百謫既盈。萬死莫贖。一投閑地。僅閱半暮。南夏運使。遽叨簡擢。非所當據。深切戰兢。海干天誅。期賜反令。敢謂皇慈。大造既來。使之仍竊閑祿。且與之易填近藩。拜命驚惶。感深至泣。不惟臣心力衰謝。

如馳隙之馬。鞭策無由。必不足負荷十連之寄。而陛下眷憐舊履。所以自  
遠而近之意。尤非卒鑒之餘。所可稱辱。政恐襟帶江湖之地。而今樂國。豈  
容綿薄材力之人。得以冒居。頓伏捫心。如愚淵谷。臣愚欲望皇帝陛下赦  
其三瀆之愆。矜其一誠之愚。且今少安菴祠。以靖晚節。特寢今未改知隆  
興府恩命。庶幾授受進退。不啻與言。不勝萬幸。范石湖大全集。解免知建  
康府劄子。准尚書省劄子。三省同奉聖旨。范成大差知建康府疾速赴  
行在奏事。訖之任。臣聞命震驚。周知所措。臣聞覆載二儀之至公。不獨私  
於一物。爵祿服賢之所共。難併萃於非才。臣去春蒙恩。閩制海郡。治行亡  
狀。考幽當黜。迺二月庚子詔書。忽被誤渡。職且祕殿。臣皇懼不敢當。即已  
陳情控免。俞音未下。人付留鑰。中外觀聽。雜然甚驚。凡所謂量才不肖。揣  
必宜休。在臣循省所當辭避之說。皆未敢縷如以瀆天威。但方陛下總核  
名實。登崇俊良之時。而何物公庶。決展之間。滄汙除書。未及滿歲。再煩臨  
道。屈天地之私恩。接衆賢之所共。真才實能。於此猶懼。况如臣者。政使貪  
學冒寵。豈不外憚煩噴。內虞疾顛。積此凌競。何敢下拜。伏望聖慈。安照孤  
危。收還成渙。改圖碩望。俾護北門。則公朝不玷於選掄。小已亦寬於憂畏。  
所有恩命。臣未敢祗受。取進止。每辭免知建康府劄子。臣比奏辭免

差知建康府。伏奉詔書。賜臣不允者。臣跪讀訓詞。感深涕洟。戰慄含臣。遭遇  
聖明。早蒙識擢。蓋嘗不量。似許國馳驅。陛下過聽。假臣麾節。填封外  
四方萬里。臣未嘗敢輟解。今又以執政寵名。居守留鑰。遙廷得親。過蒙上  
哀。閭外榮遇。殆冠平土。而臣方且彷徨憂畏。稽留詔書。不敢下拜者。蓋其  
怵惕危懼不止。於決旬疊組。非所堪任而已。緣臣抱羸疾。衰疾痛日深。實  
恐有誤委寄。兼僥踰已甚。常慮挺灾。亦不可更尸腴。樣又臣妾族魏氏。見  
居康水宣城之間。皆係所部。豈無瓜李之嫌。積此凌競。不遑寧處。須不免  
再干方命之誅。陳情控免。伏望聖慈。矜矜危懼。收還成命。如未許。即就外  
祠。別乞改差一小郡。使為陛下拊摩。報萬一。臣仰恃君父隆寬之  
恩。周敢盡布腹心。干冒天威。無任昧死。所有恩命。臣未敢祇受。取進止。史  
浩鄧奉真。隱浸錄解免。除知成都府。劄子。臣一个草莽。本無佗技。頃者  
效官學者。誤蒙太上皇帝推倚。潛昨執經在列。誦說無補。誠不自意。乃辱  
陛下非常之知。每陳管見。必賜褒嘉。學者傳聞。以為歆豔。洵陛下龍飛在  
御。邦命惟新。而臣復緣舊恩。驟升近列。日陟月遷。以至輔相。度越諸老。超  
躐衆材。名迹湮微。羣心不服。謗議沸騰。幾不自保。仰賴陛下委照。孤志始  
終。能護逮及乞身。未歸得請之後。物論不直。荷陛下一意保全。畀以隆職。

寵以真祠。伏既老之親。不乏供養。母子相親。感戴天地父母生成之德。至於實涕。所懼未死之間。無以仰報萬一。雖蹈湯赴火。碎首裂肝。亦臣之分。聞命輒達。已非本志。既煩申諭。何敢復言。然大馬之心。有不能自己者。尚望少寬雷霆。容臣畢其區區之說。臣材識淺陋。衰疾交攻。見於設施。已試無狀。雖欲自竭。實難勉強。此固人所共知。不待喋喋。所以尤難承命者。臣母昨自歸鄉。疾急沉綿。氣體疲弱。去歲五月。一病幾殆。調養至今。尚未平復。若迎侍以行。則西蜀萬里。在途累月。垂老餘年。恐致憂頓。若臣迫於成命。單車即路。母子相望於吳蜀之遠。安問遐遙。奉養阻隔。一有後悔。不如無生。此臣所以徬徨迫切。雖知冒蹟有獲。命之罪而不救已也。不然。臣豈不知全蜀之地。民物繁庶。自昔冠於諸路。陛下發自淵衷。起臣於散地。付臣以外間。可謂超異之榮。殊絕之恩矣。臣為何人。敢忤隆指。臣人非不知。人臣委質立朝。不當以家事辭王事。有如聖訓。緣臣奉失先臣。母子相依。以為命。今臣年踰六十。日射藥餌。夜聽喘息。惴惴此心。唯恐不及。若一旦捨去。何以為懷。陛下所以委臣者。正欲奉宣德意。以慰遠民。臣方寸既亂。舉事失錯。必誤陛下任使。不忠孰甚。臣惟天下大戒。唯忠與孝。臣今若以貪冒寵榮之故。進不得為忠。退不得為孝。二者既失。曷遵人言。與其他日祈哀。

於陛下以赦臣罪。不若控露於今日。以冀陛下之矜從也。臣朝慮夕思。愛競跼蹐。進退無所。不克再具封章。投誠君父。伏望聖慈察臣。此言出於誠實。特降睿旨。收還寵命。俾仍祠祿。以養老親。臣不勝生死幸甚。又劉子

臣伏自去國。瞻戀日深。暮春絲綸。如侍帷幄。感激下拜。涕泗交流。臣惟

臣子之身。以身殉國。雖蹈鼎鑊。有不敢避。又况臣之遭遇。千載一時。義則君臣。情同父子。是以雖處缺畝。夢寐不忘北闕之思。恨不得踐丹墀之餘

地。而一望清光於咫尺也。玆蒙陛下俯記孤忠。拔拭宿履。付之大鎮。俾預臨邊。臣心非木石。豈不知願見陛下之私。一朝獲遂。在臣可謂至幸。雖材

識淺陋。衰疾纏綿。陛下既不以此廢臣。臣亦當感勵奮迅。即日引道。至於顏路長途。及異時以不勝任受譴責。臣皆不敢自謀。惟是臣母嘗國大夫

人。洪氏年齒益老。筋力益耗。視聽益衰。臣之兢懼。益倍平日。而萬里遠去。音問動經半年。臣朝夕之間。何以自處。雖臣母免。臣以許國責臣。以報主

謂臣頃以愚闇非據。衆論不容。若非聖度保全。母子豈有今日。既蒙任使。安得輒辭。臣聞此言。惶懼感泣。無地措身。然臣有一於此。蒙哀憐。故敢擻

冒萬死。再于天聰。重念臣昨得罪。參知政事日。嘗蒙御筆。以首春賜臣母酒米。及臣蒙恩除右僕射。正謝之日。御筆徑賜臣母酒米。俾為家庭之慶。

是惟慈隆禮異迥無前比皆由陛下孝通神明愛廣四海錫類之恩陛下被  
臣母令以殘年歸命鴻遠必賜潤嗣所以未蒙識察者臣精誠未至未有  
以感動聖心故也敢披瀝肝膽再具奏陳伏乞聖慈檢會累奏早賜處分  
許臣依舊外祠以終犬馬養親之志臣母子一心誓當殫勤有大仰報生  
成之萬一辭免改除知紹興府劄子臣奮身孤遠本之材能流緣際  
會於聖明遂致叨歷於宰輔已試之效曹茂絲毫退歸田廬方切念咎敢  
謂陛下天地有容日月有照覆從散地分閭西南臣以有母為老難勝修  
送滌怨再三控詞千百非敢違令實親於從旁觀者為臣寒心謂必獲譴  
雖臣亦自知罪當萬死不敢逃刑而陛下曲軫洪私特垂哀憫既免臣萬  
里之役更寬臣稽慢之愆改單輔舊俾榮親老正使臣自為計不過如此  
臣之遭遇可謂極矣是以母子相視感激涕洟而至於無言可諭也然臣  
辭難而得易辭遠而得近在臣之私因為榮幸如物議何而况會稽都會  
為三輔豈可使辱墳之臣以私計而得伏望聖慈收還成命改授者碩容  
臣且奉外祠以安分守魏鶴山大全集再辭免紹興府劄子臣叩者輒  
控愚衷仰干淵聽誤蒙詔答未賜允俞重惟臣所苦脾疾蓋自六月以來  
所更非一豎所知非一人暫憩金陵又移蕪湖皆舟車往來之衝困憊之